



Broj: 11-03-26-2314-14/18
Sarajevo, 10.01.2019. godine

Na osnovu člana 100. stav (3), člana 69. stav (3), člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14), u odnosu na žalbu privrednog subjekta CroBox d.o.o. Sarajevo, izjavljenu na tendersku dokumentaciju, u postupku javne nabavke roba, sistem za evidenciju radnog vremena i kontrole pristupa za 2018. godinu, šifra po JRJN:35120000-1., koji se provodi putem Konkurentskog zahtjeva broj: 11-03-26-2314-7/18, Obavještenja o nabavci broj: 723-7-1-141-3-174 od 02.10.2018. godine, čija je procijenjena vrijednost 41.452,99 KM bez PDV, donosim,

O D L U K U
o poništenju postupka javne nabavke

I

Usvaja se žalba privrednog subjekta Cro Box d.o.o. Sarajevo, izjavljena na tendersku dokumentaciju u postupku nabavke sistema za evidenciju radnog vremena i kontrole pristupa šifra po JRJN:35120000-1, i poništava se postupak za javnu nabavku na osnovu člana 69. stav 3) Zakona o javnim nabavkama.

II

Ova Odluka objavit će se na web stranici Ministarstva odbrane Bosne i Hercegovine.

III

Ova Odluka stupa na snagu danom donošenja, odnosno objavljivanjem na Portalu javnih nabavki.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-03-26-2314-3/18 od 23.08.2018.godine.

Planirano je da javna nabavka se provede putem Konkurentskog zahtjeva, čija procijenjena vrijednost javne nabavke iznosi: 41.452,99 KM bez PDV.

Obavještenje o javnoj nabavci broj: 723-7-1-141-3-174, objavljeno je na Portalu javnih nabavki dana 02.10.2018.godine.

Nakon objavljivanja Konkurentskog zahtjeva na Portalu javnih nabavki neki privredni subjekti koji su preuzeli tendersku dokumentaciju, u skladu sa Zakonom o javnim nabavkama tražili su pojašnjenja tenderske dokumentacije, postavljanjem pitanja na Portalu javnih nabavki.

Nezadovoljan odnosom Ugovornog organa ne davanjem pojašnjenja tenderske dokumentacije odnosno zbog propuštanja rokova za odgovore na postavljena pitanja privredni subjekt Cro Box d.o.o. Sarajevo, uložio je žalbu.

Analizirajući žalbene navode u odnosu na zakonske i podzakonske akte ovaj organ je zaključio da je žalba osnovana.

S obzirom da je nakon pokretanja postupka javne nabavke, došlo do određenih izmjena u načinu kontrole radnog vremena i kontrole pristupa, koji na drugi način tretiraju materiju koja je u vezi sa predmetom nabavke, kao i ne zaključivanjem ugovora u godini kad su bila

odobrena sredstva za nabavku, za Ugovorni organ postalo bespredmetno dalje vođenje postupka javne nabavke.

U postupku po žalbi do donošenja ove odluke, posebno su cijenjene činjenice opravdanosti nastavka postupka, a u cilju najefikasnijeg korištenja javnih sredstava u vezi s predmetom nabavke i njegovom svrhom, a sve u cilju poštivanja važećih zakonskih i podzakonskih akta koju uređuju ovu oblast.

Na osnovu navedenog a primjenom člana 69. stav (3) Zakona o javnim nabavkama, odlučeno je kao u točki I dispozitiva ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od pet dana od dana prijema odluke. Žalba se podnosi putem Ministarstva odbrane Bosne i Hercegovine.

Dostaviti:

- CroBox d.o.o. Sarajevo, fax: 033/447-700
- Web stranica MO BiH
- a/a

MINISTRICA

Marina Pendeš